



14132

III

Mag. St. Dr.


P

*Domestici francisci: Fructus honoris et honestatis
ope virtutum, meritorum ac laborum M. Michae-
lis Cyprianici - cu laurea theologiae descriptus.*

PANEG. et VITAE

Polon. Fol.

N^o 176.



FRUCTUS

HONORIS & HONESTATIS*

* Eccli. 24.
v. 23.

OPE

Virtutum, Meritorum ac Laborum

Perillustri Clarissimi & Admodum Reverendi Domini,

**D. M. MICHAELIS
CZYRNICKI,**

Sacrae Theologiae LICENTIATI, Collegae Majoris, Ecclesiarum; Collegiatæ
S. FLORIANI Clepardiae ad Cracoviam CUSTODIS, Parochialium, Opa-
towiecensis PRÆPOSITI, in Pobiedr CURATI, Contubernii Starnigeliani

P R O V I S O R I S

^{ex}
LAUREA THEOLOGICA

DECERPTUS;

Qui dum

in Ecclesia Collegiata DIVÆ ANNÆ

d

Perillustri & Reverendissimo Domino

**D. M. ADALBERTO
GRZYMAŁA**

Sacrae Theologiae DOCTORE & PROFESSORE, ejusdemq; Facultatis
DECANO, Collegii Majoris ac Universitatis Seniore PATRE, Ecclesiarum;
Cathedralis Crac. CANONICO, Collegiatæ SS. OO. PRÆPOSITO,
Contubernii Hierosolymitani PROVISORE,
S. THEOLOGIAE DOCTOR

Ritu solenni

crearetur ac renunciaretur;

per

**M. FRANCISCUM
TOMECKI**

Philosophiae DOCTOREM & PROFESSOREM, COLLEGAM Minorem
Vocatum, Contubernii Starnigeliani SENIOREM, Sacrae Regiae Majestatis
SECRETARIUM.

DEMONSTRATUS.

Annò

ICV_T DOMINO PLACVI_T*

* Iob. 1.
v. 21.

Die 25. Mensis Januarii.

CRACOVIAE Typ: Semin: Episc: Academ: Diocelani.



Non Tu jacentes vile perambulas,
Terras premendo, sed vigor aliger,
Per ætheris campos citatum
Evehit & super alta sistit,
Poli haud paventem, tu sapientiæ
Sublimioris candidus intimum
Cubile vestigas Tonantis,
Et taciti penetrale Cæli.

P. Jo. Masculus l. 1. Ode 27.

Seu cæcis penetralibus
Naturæ referas abdita, lucidæ
Consultus sapientiæ,
Sive inconspicuum mentibus aspicias,
Et caligine splendida,
Celari cupidum Numinis abditi,
Æternum jubar, & piò
Vestigas oculis tecta silentiò.

P. Gilb. Jonninus. l. 1. Lyr. Ode 2.

Hæc ego, supremum cui fas attingere Numen,
Quæ scrutor Divina sagax hinc inclyta laudem,
Augustumque DEI duco de Nomine nomen,

P. Ant. Chanut: in Parna, Pòët.



DEDICATORIA DE VOTO

PRÆLOCUTORIO.

JNumeros annos, quin secula cuncta coronat
Gloria, quæ meritis est tribuenda Tuis.
Ergo suscipias hæc paucula verba clientis,
Hæc etenim Nomen narrat opella Tuum.
Perpetuos isthic parvus liber ibit in annos,
Nominis unde Tui fama perennis erit.
Non mihi divitiæ culti sermonis habentur,
Hæc tamen augustas pagina præstat opes.
Divitias animi loquitur Tua gloria Mundo,
Et pretium magni DOCTOR honoris habes.
Est opus, ut pateant annis exempla futuris,
Sunt exempla, Tuæ sunt probitatis opes.
Extat doctrinæ FRUCTUS pretiosior auro,
Non lateat splendor Nominis iste Tui.
Dum latet, haud colitur, si detur gemma Coronæ,
Plus multò pretii plusque decoris habet.
Nam virtutis bonos altis se laudibus ornat,
Et magis augustus, si celebretur, erit.
Magna Tuis digne meritis nunc præmia dantur,
Et data concinnant præmia laudis opus.
Laurea Sacra Tuam præcingit Laurea frontem,
Laurea sed laudis nomen & omen habet.
Gloria magna Tuis se totam plausibus offert,
Sed memores fastos gloria magna tenet.
Eximia DOCTOR semper virtute coruscas,
Hanc quoq; perpetuus concomitatur honor.
Qualibus ipse nites hæc talia dogmata pandis,
Moribus egregiis erudiendo, nites.

*Hæc verò docti merces condigna laboris,
Ut capiat laudes perpetuumq; decus.
Hanc habet alta sui sortem Sapia FRUCTUS,
Ut mereat laudi sæcula cuncta suæ.
Et cur non liceat justas Tibi scribere laudes?
Quomodo nunc calamus corq; tacere potest?
Materiam calamus rutilo splendore coruscæ,
Gaudia cor sortis non pereuntis habet.
Nulla Tuas unquam dotes oblivio tanget,
Quas canimus, cur non gaudia semper erunt?
Postulo materiam calamo laudare volenti,
Hic omnis Virtus, hic patet omne decus.
Hic pietatis amor, pariter prudentia regnat,
Hic labor & studium sedulitate nitet.
Iustitiæ venerandus honos & pectoris ardor,
Et bonitas sedes hic posuere suas.
Robur in adversis cæpti constantia facti,
Et quidquid valeat more placere viget.
O quanta probitate nites, & munera sortis,
Quæ mentem ditat, nonne beata tenes!
Quæ dotes hominem produnt virtute decorum,
Hic sunt, hic resident, forte silere decet?
Gratulor, haud sileo magno PROVISOR honori,
Quem Capiti Superum dona dedere Tuo.
Quem meritis retines summisq; laboribus ornas,
Quem Tibi virtutis contulit ipse decor.
Accipias dignam DOCTOR cum sole Coronam,
Pro viridi lauro lumina magna feras.
Vive dies multos tanto decoratus honore,
Semper fama Tuum nomen in Orbe canat.
Vive sed incolumis Cæli solamine plenus,
Hæc Tibi corde cliens testificante precor.*

PA-



PANEGYRICUS.



Nihil unquam in vita jucundius, nihil beatius, nihil gloriosius hoc prosperrimo eventu desiderare poteram, quòd sacram Theologici Honoris Laureā, quam exantlato comparāsti labore permiseris me Tibi gratulari *Perillustis Clarissime & Admodum Reverende Domine NEODOCTOR*. Duo enim hìc dulcissimæ exultationis genera facillè mihi obveniunt, tum quia Tuo applaudere honori maximus honor & gloria est, tum quia grati obligationem animi, immortale studium, tenerrimos affectus, celerrimam ad obsequia Tua promptitudinem ac invictum amorem per hanc Tibi paginam coram toto contestor Orbe. Profectò enim gratum præstare animum accipientis beneficia obligatio est, atq; in referenda gratia (a) debemus imitari fertiles agros, qui plus multò afferunt, quàm acceperunt, nam si in eos, (b) quos speramus nobis profuturos non dubitamus officia conferre, quales debemus in eos esse? qui jam profuerunt. O me ingratum nec nominari dignum! si tacuero, quantum mihi profue-

B ris,

(a) Cic: 1. Offic. (b) Idem 2. Offic.

ris? audiat Orbis, legant sæcula, admireretur posteritas, præstitam mihi beneficentiam Tuam, ecce Tui affabilitas vultus incredibilis, candor oris admirabilis, benignitas cordis ineffabilis, quid aliud sunt; nisi magnarum indicia gratiarum. Hinc igitur in Te PROVISORE Dignissimo, Protectorem faventissimum immo etiam Patrem gratiosissimum agnoscō; qui me toties consiliō juvisti, favore erexisti, respectu stabilivisti, gratiis protexisti, quoties mihi sublevatricem dexteram etiam non audenti rogare porrexisti: ergo tacerem beneficia? *omnes immemorē (c) beneficiū oderūt, & nihil est (d) tam inhumanū, tam immane, tam ferum, quā committere, ut beneficiis propter oblivionem eorum indigni videamur.* Quantam idcirco sentio voluptatem animi, quantæ sunt mihi cordis deliciæ, quantis superabundo gaudiis, quia saltem minimū hoc gratulationis meæ obsequium pro immensis retribuo beneficiis. Verūm quid agam verborum inops? quo consiliō rem intentam perficiam. *immensa beneficia (e) imensis laudibus celebranda sunt:* at nullos quæram sermonis ornatus, nullum ab arte & ingenio prætendam suffragium, Tuas potius *Perillustres Domine NEODOCTOR* virtutes, Tuas dotes, prærogativas, merita, labores, in unum breve convocabo compendium, atq; hæc sacra suppellex laus immensa erit, qualem Tua ad celebritatem suam præstita mihi merentur beneficia. Non solius equidem humanitatis regulas rigidè observas, nec solam in exhibendis favoribus beneficentiam colis, verūm omnes altissimæ honestatis decores communi quodam sociastī vinculo, ut totam sublimium amplitudinem virtutum felicissima & sancta hæreditate possideres. Demonstrastī gloriosissimō

(c) Socrat. (d) Cic: pro Planc: (e) S. Gregor.

sissimò exemplò, quod olim quidam verbis innu-
 erat, quia *non est virtute* (f) *ulla possessio pretio-*
sior, & quia virtus (g) *maximum rerum humana-*
rum bonum ipsa pectori inserit fructum immortalem auro
potiorem. Omnia nugas & ineptias rectè credi-
 deras, solius virtutis pulchritudinem & sapientiæ
 splendorem dilexeras. noveras enim perbellè. quòd
sapientia (h) *est via recta, quæ ad virtutem ducit,*
veniunt autem (i) *omnia bona pariter cum illa, &*
innumerabilis honestas per manus illius. Atq; ideo vi-
 cisti famam virtutibus Tuis, quia singulas illasq;
 perfectissimas in Tuum induxisti animum, pleni-
 tudinem sapientiæ Tuæ nexum quendam omnium
 sanctarum perfectionum fecisti, unde quantus ma-
 gnitudine virtutum, tantus etiam amplitudine ex-
 titisti. Existimas nempe laudabili procertò opi-
 nione, quòd si aliquam ex virtutibus minùs acri-
 ter cures, honor Tuæ sapientiæ cadat, nec Tibi
 labor erat hæc magna Divinitatis dona in tota sua
 plenitudine & eminentia comparasse, qui non ex-
 trinsecus quæris, sed intra Te ipsum habes, unde be-
 nefacias, & quid obstat, quò minùs res ipsa bonam
 sequatur voluntatem. Nimirum sortitus es ani-
 mam bonam indole præclara ac sublimi dotatam,
 & quid mirum est, quòd tanta felicitate virtutem,
 cum virtute eruditionem, cum eruditione sapien-
 tiam, cum sapientia gloriam multorum utilitati
 conjunctam conquiveris? Habes jam omnia, quæ
 ad commendationem magni ac probatissimi Viri
 exigere solent, virtutem, sapientiam, merita & ho-
 norem. Præconia forsan adhuc Tuis digna labo-
 ribus requiris? quis Te laudabit? en qui Te lau-
 dat, virtutem omnino laudat, idem enim est Te

B2

dice-

(f) *Stobæ: cap. 1.* (g) *Idem cap. 2.* (h) *S. August.*

(i) *Sap. 7.*

dicere, quòd virtutis celebrare laudes, ceterum
mavis laudanda agere, quàm laudari. Cuncta pro-
fectò habes, quæ in vita desiderari possunt, nam
omnia ei adsunt bona, (k) quem penes est virtus, pa-
tere quoq; ut quibûs fulges decoribûs, & quæ præ-
sens cum delicio intuetur ætas, illa etiam reveren-
tiali conscripta calamò immortalitati pateant, sic
Tibi erunt FRUCTUS HONORIS & HONESTA-
TIS de Sacra Laurea Theologica decerptus.

LAudes, gloria & honor pulchra quidem sunt, sed
parum æstimationis habent, & brevi tempore
desinere solent, si Literarum testimoniò non nitan-
tur. Honor equidem præmium virtutis est, quæ
cùm sit Divinæ particula auræ, perpetuam immor-
talitatem meretur, & nonne sua quoq; merces im-
mortalis esse debeat? immo verò omnino expe-
dit, ut honoris commendatio ab immortalitate pen-
deat, nam sic exercitia virtutum posteritati tra-
dentur imitanda. Quid vero? quomodo magna vi-
rorum merita venturis ad notitiam porrigentur
sæculis, nisi testimonia scriptorum præstò adfue-
rint, quæ merita, virtutes & eruditos labores post-
humæ ætati recommendent? Enimvero *Literæ po-*
steritatis causâ repertæ sunt, (l) quæ oblivioni subsi-
dio esse possent, nam exempla omnia (m) jacerent
in tenebris, nisi Literarum lumen accederet, proinde o-
pus erat magna ac laudatissima opera Tua Peril-
lustris Domine NEODOCTOR literis mandari, ut
debita sibi immortalitate gaudeant, atq; subsecu-
turi instructioni deserviant ævi. Habes enim jam
omnes honestatis decores, habes magnæ dignita-
tis insignia sacram nempe Lauream Theologici
honoris, quis horum fructus? perpetua nimirum
immor-

(k) Plaut. (l) Cic. pro Syl. (m) Idem pro Archia. Poëta.

immortalitas, quæ Tuis maximis ac innumeris meritis ipsius naturæ lege debetur. At quomodò hæc gloriosissima Tuarum documenta virtutum futuris paterent sæculis, nisi saltim exiguæ mandata pagina in lucem prodirent publicam, & immorturæ memoriæ ad utilitatem perpetuam traderentur? Promeruisti etenim, quod quidam rectè ac prudenter dixerat, quia *magnorum nomina virorum* (n) *per orbem terrarum celebrata scriptis extingvi nulla vetustate possunt*, hæc Tibi sanè debetur portio laudis, quem maximarum excellentia virtutum, ac eruditorum prærogativa laborum in hunc tantæ dignitatis gradum evexit, & quid ergo Tibi ad celebritatem nominis desit? solus nempe honoris & honestatis FRUCTUS, qui est æterna Tuorum memoria meritorum.

Primum igitur teneræ ætatis Tux primordia in exemplum venturæ posteritati propono, quæ quanta, quàmve laudanda fuerint, vix dici aut scribi potest, ille animus Tuus omnium bonorum exercitiorum capax, jam tunc luculenter monstrabat, quantum bonitate præstabas, quantum valebas ingenio, quantum industriâ excellebas. Indoles illa benignitate naturæ in Te eminuit, per cujus præclaros ad virtutem impetus statim proditum erat, quòd cum anima summam promptitudinem ad celeberrima gesta accepisti. Hinc indolem Tuam quis non amaret? quis debitis non efferret laudibus? dilexit illam magnus olim magnorum ingeniorum Arbiter Illustrissimus & Magnificus Dominus ANDREAS de Zydowo ZYDOWSKI VEXILLIFER, JUDEX Castrensis Cracoviensis, qui Te Adolescentem tenerrimo profecutus affectu ad eximios formabat mores, & excellentissimâ prudentiâ ac

C

omni-

(n) Manut. lib. 1. Epis. 3.

Tenera ætas Perillustis Domini quàm culta,

Honestæ educatio Per illustris Domini in Aula Illustrissimi Andreae Zydowski Vexilliferi & Judicis Crac.

omnium decore virtutum imbuebat. Quid enim
 Vir ille nobilitate generis conspicuus, celebritate
 famæ præclarus, antiquitate Prosapiæ commenda-
 bilis, dignitatum splendore ornatus, ac sublimis sa-
 pientiæ & maturæ prudētiæ donis decorus, quid ille
 magis diligeret, quàm Tuū illud beatum ingenium &
 magnopere proclivē ad omne bonū animū? ut enim
 ipse erat sæculorum gloria, populorum amor, eru-
 ditionis decor, ac omnigenæ virtutis cultor; sic Te
 suæ illius sanctæ verum imitatore industria dili-
 gebat. Crescebas in ejus Aula, quam potius Scho-
 lam probitatis dixerim; crescebas atate, eruditio-
 ne & virtutibūs, quidquid enim ille dixerat, illud
 oraculum sapientiæ celebrabatur ab omnibus, quid-
 quid fecerat, exemplū felicissimæ perfectionis erat,
 quidquid svaserat, semper probavit eventus, quid-
 quid scripserat, saluberrimū fuit legentibus dogma
 ac delictum. Quid verò ex tanti perfectione Viri
 non perdisceres? ecce enim *magnæ indicia virtutis*
à magnis exercitæ Viris (o) bonæ indoli ad magnos ac
laudabiles ausus incitamenta sunt, suscepisti magnō a-
nimō magnorum experimenta gestorum, & quam
virtutum amplitudinem in magnis viris observa-
veras, eam Tibi omnino sequendam proposueras.
 Mox avida eruditi laboris indoles Tua & nescia
 umbras ignorantia pati ad Artium Te Liberalium
 provocavit studia, dictabat Tibi sagax ingenium
 Tuum, quia *multum oportet illum laborare (p) qui*
gloriosam laudem consecutus est, innatus ille vigor
 semper ad laudabilem institutionem vitæ animum
 Tuum incitabat. Favit proinde tam laudabili in-
 tentioni Tuæ prælibatus JUDEX Crac: atq; ex
 motivo celeberrimæ prudentiæ suæ ac tenerrimi
 erga Te amoris studia Tibi in Alma Universitate
 nostra

(o) Hesiod. apud Stob. (p) Theodoc. apud eundem.

nostra peragenda perſvaſit & præclariffimis Magiſtris erudiendum Te comendavit. Ardorem ſcien-
di quis in Te mirari deſineret? quantum enim
capacitatis amplitudo ſeſe extendebat, tantum a-
cerrimæ alacritatis dilatabantur ſpatia, plus mode-
ratione Magiſtrorum quàm ſtimulîs egebas, quia
virtutis amore eruditionem ſectabaris. *Labor bo-
næ famæ* (q) *pater eſt*, Tu tamen illi glorioſo la-
bori novam addidiſti gloriam, quem tam ſolidè
adamâſti, tam ſtrenuè exercuiſti, tam ſollicitè cuſto-
diviſti, tam ſincerè coluiſti, tam ſanctè virtutibûs
ornâſti, ut omnes, qui in Te ſuos convertebant o-
culos, non dubitarent dicere, quòd *virtus* (r) *per
labores incedit*, quia etiam ſcientias ignorare malles,
ſi ſtriſtum cum virtute conſortium non haberent.
Propria virtus Tibi in erudito labore dux erat &
ſolatium, immo verò labor ipſe Tuus pura virtus
erat, quia ſimul virtutem & eruditionem fervido
augebas conatu & in quærendis ſcientiis rationem
ſanctimonix proponebas. Inter præcepta bona-
rum Artiû Regulas ſanctè vivendi inveſtigabas, atq;
ſic illa promptitudo memoriæ incredibilis, perſpi-
cacia mentis admirabilis, celeritas ingenii matu-
ra, capacitas animi beata ex intenſione virtutum
ortæ Te omni difficultate ſuperiorem, omni ab-
ſtruſione altiore, omni ſubtilitate acutiorem red-
diderûnt. Proceſſiſti igitur poſt adoleſcentiæ aſos Vir
magnus omnes ſingulariſſimas ſcientiarum diviti-
as cum virtutum opibus conjunctas pleniffimè lu-
cratus & complexus. Apparuiſti in luco Acade-
mico lux non exigua, ſinceritate Latini idiomatis
ût nemo meliùs inſtructus, ligati ſermonis totam
integritatem planè edoctus, gravitatem verò ac
venuſtatem eloquentiæ conſecutus illam, quam

Q2

haud

(q) *Iphigen. apud eundem.* (r.) *Hefiod: apud eundem.*

Singulares
favores Re-
verendissimi
olim Wale-
szynski erga
Perillustrem
Dominum.

haud aliquando vetusta etiam sæcula habuerunt. In Philosophico autem Cursu quàm maturam ce-
leritatem ingenii, quàm gravem subtilitatem per-
spicaciæ mōstraveras, intellexerunt illi & omnibus
judiciō suō perspectum fecere sæculis æquè pru-
dentissimi ac sapientissimi Viri maximis semper
concelebrandi laudibūs ac immortalī memoriā di-
gni, qui Te Laureis Philosophicis ornaverunt. Im-
mo verò quod apertius est dotum Tuarum ac sci-
entiarum testimonium? quàm ille integerrimus amor
quem Tibi *Perillustri olim & Reverendissimo Do-*
minus M. MARTINUS WALESZYNSKI, *Sacræ*
Theologiæ Doctor & Professor, Collegii Majoris Senior
Pater ac multoties Vigilantissimus RECTOR & *plures*
per annos PRO CANCELLARIUS, *Cathedralis Crac.*
CANONICUS &c. &c. exhibuerat? Vir magnus in-
geniō, maturus judiciō, felix consiliō, auctoritate
summus, gravitate morum augustus, activitate ce-
leberrimus, omnibus acceptus & amabilis. *Magnus*
Reip: Literariæ stator, (s) Orbis Academici lumen
& columen, Togatæ Gentis decus & præsidium, cujus
merita miracula sunt Mundi, ejus sapientia omnem
sublimitatem transcendit, ejus labores tam in Ec-
clesia Dei, quàm in Orbe Academico incredibiles,
ejus vita pura, omnium virtutum integritas ac to-
tus illibata conscientia tenor, ejus æstimatio apud
magnum Procere ineffabilis. Tantus igitur Pater,
tantæ acceptionis Doctor admirabili Te dignaba-
tur respectu, diligebat Tuos celeres ingenii motus
in condiscendis Literis, laudabat vigilem diligen-
tiam, admirabatur eximium in studiis profectum,
respiciebat sanctam comitatem morum & omnes
egregias dotes Tuas maximopere æstimabat. Quam-
obrem Tua sex annorum studia in minoribus Scho-
lis

(s) *Panegyris in obitum ejus.*

lis sua protectione ornabat, ad primam in Philo-
sophia Lauream recipiendam ille Te solidò anima-
vit consiliò, ille promovit, nihil illi erat jucundi-
us, quàm Tua consuetudine frui, Tuos eruditos
labores condignis remunerare præmiis, Tua meri-
ta ad altiores in Universitate honores promove-
re. Quid verò? *magnis Viris* (†) *magna honestas*
in delicio est, & simile simili gaudet, hinc amorì WA-
LESZYNII erga Te non dubitavit suos tenerrimos
sociare affectus *Perillustis olim & Reverendissimus*
Dominus HYACINTHUS ŁOPACKI, sacre Theo-
logiæ & Medicinæ Doctor, Ecclesiarum; Cathedralis Crac.
CANONICUS, Collegiæ Sandomiriensis DECA-
NUS, B.V.M. in Circulo Crac. ARCHIPRESBYTER
JNFULATUS, qui Te in summa per sex viginti
annos æstimatione habuit, summis gratiis & favo-
ribus honoravit, summa semper dilectione ut di-
midium animæ suæ coluit, summò studiò prose-
quebatur; unde ex dictamine tanti erga Te amo-
ris ad sacros Te promovit Ordines & Benefici-
um Tibi pro titulo ordinationis in magna *Gierat-*
towice procuravit. Et verò quid iste magnus Sa-
cerdos, Craciæ Urbis decus, Ecclesiasticæ orna-
mentum Hierarchiæ, vivum sanctitatis exemplar,
scientiarum compendium, quid iste magis suo com-
plecteretur affectu? quàm illam Tuam constantiam
in bono, elegantiam in omni actione, veritatem
& rectitudinem in sermone, continuam & altam
exercitationem in virtutibus? hæc enim celeberrima
talenta, ut ipse invictò semper colebat ani-
mò, sic in aliis maximè honorabat. Amabat eru-
ditos Viros ipse solidæ eruditionis dives, illam in
tota plenitudine comparavit sapientiam, quæ in-
timè virtuti adhæsit, nam quod est tantum inge-

Insignis æsti-
matio Peril-
lustris Domi-
ni apud Re-
verendissi-
mum olim
Łopacki.

D

nii

nii flume. ? quæ tanta verborum copia? quod tantum dicendi genus? quo hujus Viri omnibus desiderandi sæculis, pietas in reparandis ac ornandis Templis, devotio in elevatione mentis ad DEUM, sollicitudo circa animarum salutem, liberalitas injuvandis egonis exprimitur. Quis proinde à tanto æstimaretur & amaretur Viro, nisi bonus? ita est; bonitas vitæ eximia tantos Tibi conciliat affectus, nam si etiam illos æstimatores Tuos taceam, qui nobis memorabilem in morte sua reliquerunt dolorem, Cælis autem intulerunt gaudium, habes præterea dignissimos virtutum Tuarum Arbitros, qui & nobis adhuc in terris & Divis Cælitibus delictum sunt. Adest, adest *Illustrissimus Excellentissimus & Reverendissimus Dominus, D. MICHAEL de Granow WODZICKI, DEI & Apostolicæ Sedis Gratiâ EPISCOPUS Præmysliensis, Supremus Regni CANCELLARIUS*, maxima sæculorum admiratio, Romanæ Urbis delictum, Lechicæ Gentis amor & præsidium; qui summis in Patriam & Ecclesiam DEI immo admirandis meritis omnem immortalitatem ad stuporem traxit, innumeris publicis functionibus laudabilissimè peractis perpetuam Regno Poloniæ comparavit famam, immensis laboribus & maximis virtutibus suis omnem gloriam superavit. Adest inquam hic ANTISTES sacerrimus, SENATOR sapientissimus, MINISTER Regni prudentissimus, PATER Patriæ æstimatissimus, & quanto Te prosequatur affectu, præstitis Tibi summis favoribus manifestat. Adest etiam *Illustrissimus & Reverendissimus Dominus FRANCISCUS de Potkana POTKANSKI, DEI & Apostolicæ Sedis Gratiâ EPISCOPUS Patarensis, SUFFRAGANEUS, CANONICUS, VICARIUS in Spiritualibus & OFFICIALIS Generalis Cracoviensis*, qui tantum Tua æstimat talenta, quantum quisque prudens.

Præcipui respectus Illustrissimi & Reverendissimi Wodzicki, Episcopi Præmysliensis, Cancellarii Regni, Perillustri Domino præstiti.

Magni favore Illustris & Reverendissimus Potkanski Episcopi Patarensis, Suffraganei Cracoviensis, Perillustri Domino exhibiti.

dentissimus & sapientissimus solet. Nam quomodo
 hic magnus PRÆSUL omni elogio ac dicendi ge-
 nere sublimior de bonis Viris non rectè sentiat?
 qui omnium sanctissimarum virtutum & altissimæ
 sapientiæ vivam in se ipso exhibet normam, quem
 ut celeberrima Illustrissimi Generis exornat nobi-
 litas, sic immensa merita & ineffabiles animi dotes
 omnium sæculorum laudibus recõmendant. Nec
 potest præteriri silentiõ Illustrissimus & Magnificus
 Dominus IOANNES in Zakrze & Nowosielec NOWO-
 SIELSKI CASTELLANUS Ciechanoviensis, CAPITA-
 NEUS Castrensis Lukoviensis, Vir de Patria Meritissi-
 mus, quæ ob amplitudinem æquè ac magnitudinem
 laudabiliũ gestorum omne sæculũ præsentì invidet.
 Quæ enim ætas tantum non posceret Virum?
 quem totus Polonus Orbis magnum consiliõ, subli-
 nem ingeniõ, maturum prudentiã, profundum ju-
 diciõ, animõ in adversis vinci, in prosperis effer-
 ri insolitõ generosum agnoscit, qui pietatem in DE-
 UM, in Reges fidem, in Patriam amorem, in omnes
 benevolentiam integerrimè servat. Hic est ille pru-
 dentissimus Senator & æquissimus Judex, quem
 certè non sola quamvis antiquitate celeberrima,
 dignitate sublimis, tot maximarum Cognationum
 nexu augusta Illustrissimi Sangvinis prærogativa,
 sed simul vitæ integritas, cordis magnanimitas,
 facundissimi oris felicitas, justitiæ amor, legum ob-
 servatio, & aliarum omnium virtutum summa ce-
 lebritas promovit ad honores. At ecce Vir tantæ
 auctoritatis, tantis meritis ac honoribus ornatus,
 tam præclara nominis altitudine augustus, quos Ti-
 bi non exhibet respectus? parùm illi videtur sua
 tam præcellenti fulgere gloriã, nisi etiam in præ-
 standis Tibi magnis gratiis ac favoribus excellat.
 Hos tanti Viri erga Te affectus auget quoq; Illu-

Ineffabiles
 affectus Illu-
 strissimi No-
 wosielski, Ca-
 stelani Cie-
 chanoviensis
 & Illustrissi-
 mæ Contor-
 tis Ejus erga
 Perillustrem
 Dominum,

*strissima & Magnifica Consors Filii ANNA de Zydw-
scis NOWOSIELSKA, quā propriā ita recommen-
dant dotes, ut nullo Oratoriæ pennæ opus habeat
præconiō; laudant eam opera ejus, fortitudo & de-
cor indumentum ejus (u) procul & de ultimis finibus
pretium ejus. Mulier fortis sublimibus ingeniis emi-
nentior, aureo eloquio pretiosior, omni oratoria
superlatione altior: porro virtus illius se ipsam
miratur, quod tantum possit in tam delicato sub-
jecto, nam tantam gravitatem morum, tam fir-
mam constantiam, tam solidam prudentiam, tam
augustam quia innatam Stirpi suæ generositatem
exhibet; ut sexum suum excedere videatur. Do-
mina hæc tantis tamq; eximis ornata qualita-
tibus cum ab annis triginta usque ad nunc tam
sancta in Te omnium virtutum spectaret exercitia
ac summæ in bono constantiæ tenorem, præter a-
lios innumeros præstitos Tibi favores & præter
alia pietatis suæ specimina tum Tuis circa bonum
Ecclesiasticum curis, tum sua devotione permo-
ta non parvam fundi, sive agri partem Ecclesiæ in
POBIEDR condonavit.*

*Prudentia
Perillustis
Domini per-
quā lauda-
bilis.*

Ecce quid Virtus Tua non valeat? quæ non
solum Tibi, verum etiam Divinis Sanctuariis ma-
gnos conciliat respectus, quam ut planius poste-
ritati exponam, singillatim partes & species illius
quantum vires animi sinunt, enarrabo. Prima mi-
hi occurrit percelebris prudentia Tua, quæ pro-
certo veluti *lucerna* (w) *animi* optima est vitæ Tuæ
ratio, nam ex Tuis actionibus rectè intelligi po-
test, *prudentia est* (x) *appetendarum & vitandarum
rerum scientia*, ita enim decorem honestatis appe-
tis, ut totam illius plenissimè complectaris sum-
mam, ita minimum quoq; evitas defectum, ut ni-
hil

(u) *Prov. 31. v. 25.* (w) *Goudin.* (x) *S. August.*

hil in Te & inimicus oculus ad arguendum reperi-
 at; at hæc est sana & recta scientia agendorum. Si
 verò *vigilans prudentia* (y) *surgit ab usu multipli-*
ci, quis tuam maturitatem summis concelebran-
 dam laudibus cum optima rerum experientia con-
 junctam esse non intelligat? habes enim præterito-
 rum eventuum tenacem & vastam memoriam,
 futurorum respectum continuum, contingentium
 discretionem perspicacissimam, insperatorum
 cautionem sagacissimam, unde hoc? usus nimirum
 optimus Magister Te multa docuit, ratio plura.
 Quibus laudibus Tua ad omnes partes circumspe-
 ctio extolli potest? quo dicendi genere Tua in
 ordinandis mediis ad consequendum boni operis
 finem providentia celebrabitur? quo eloquio Tu-
 um maturum consilium omni ex parte perfectis-
 simum exprimetur? qua ingenii & oris potentia
 Tuum in rebus discernendis judicium enarrabi-
 tur? cum Tuæ prudentiæ dotes non solum omnes
 eloquentiæ conatus, verum etiam omnem admira-
 tionem hominum superaverint. Jam verò si ma-
 xima perfectio prudentis est (z) *docilem se exhibere*
Majoribus, quorum consilia sunt veluti demonstrationes
in agilibus ex Te magno DOCTORE hujus per-
 fectionis norma & exemplar habetur, qui non tan-
 tum Superiorum sed etiam Confratrum Tuorum
 sana acceptas consilia, & iis, quæ bono comuni
 utilia sunt, facillimè acquiescis. Veritatem hanc mon-
 strabunt etiam pii Cineres Perillustreis olim & Reveren-
 dissimi Domini M. CASIMIRI JARMUNDOWICZ
 U. J. Doctoris & Professoris, Ecclesiarum; Cathedralis Crac.
 Electi CANONICI, Collegiæ SS. OO. CUSTODIS, Pa-
 rochialis in Luborzyca CURATI, Contubernii Ju-
 risperitorum, Starnigehani tū Alumnatus Roszczeviani

E

PRO-

(y) Mantuan. (z) Javellus in Eth. b. t.

Mutua
 an. or & sin-
 cera amici-
 tia Perillu-
 stris Domi-
 ni cum Re-
 verendissi-
 mo olim Jar-
 mundowicz

PROVISORIS, Librorū per Diæcesim Cracoviensē Syno-
dalis CENSORIS, Viri egregiè cordati, quàm de Re-
gno Literario, tam de Ecclesia Dei longè mèritissimi,
boni communis Academici zelò ardentissimi, ma-
gnis Principibus ac Proceribus ob incomparabi-
lem juris notitiam acceptissimi, in omni virtute ac
in omni sapientia consummati, in eruditis laboribus
continui & acerrimi, hunc etenim cū tenerrimè
velut Confratrem amares, & prudentissimum sci-
res, consiliis illius assentiebaris cum delicio &
mutuò illum in tuenda communi integritate adju-
vabas. Nosti enim perfectè, quòd amicitiam cum
bonis colere Viris ad prudentiam pertineat, non
solum ideo, quia cum sancto sanctus eris (a) &
cum Viro innocente innocens eris, verum etiam quia
non postrema pars justitiæ (b) est amicitia, jam verò
sine justitia (c) nihil valebit prudentia, quam in Te o-
mnibùs absolutam numeris intuemur. Immo verò
hujus virtutis donum magnopere Tuam recommen-
dat Lauream, equidem in corde prudentis (d) requie-
scit sapientia, quæ præmia DOCTORI meretur, quin
etiam hæc tanta maturitas judicii Tui Te ipsum
felicem ac beatum reddit, quia nihil homini prudenti
dulcius (e) aut sagaci ac bona mente melius est, quod ipsū
in Te evidenter spectatur, nam ex quo omnia ordi-
natè agis, omnia rectè disponis, solertiam ad omnes
actiones adhibes, mentem Tuam accurata delibera-
tione obfirmas, inde statum animi semper tranquil-
lum habes & pacatum. Tranquillus est animus Tuus
dilectæ amator pacis, sed post prudentiæ splendo-
rem etiam luce justitiæ coruscat, nam justitia quoq;
(f) multam offert homini tranquillitatem, justitiæ
laus.

Intaminata
Justitia Per-
illustris Do-
mini.

(a) Psal. 17. v. 26. (b) Macrob. in Eth. h. t. (c) Cic. 2.
Offic. (d) Prov. 14. v. 23. (e) Cic. 1. Tusc. (f) Diog. apud
Stob.

laus & gloria (g) est mentis fiducia & animi bonus status. Nec verò illam solùm sectaris justitiam, quæ majori reverentiam, (h) pari concordiam, minori disciplinam, DEO obedientiam, sibi sanctimoniam, inimico patientiam, egeno operosam misericordiam reddit. verùm etiam illam & seriò colis, quæ negligit propriam utilitatem (i) ut servet communem æquitatem. Hanc enim maximam justitiam ad commune ordinatam bonum quàm sanctè exerces & quàm strenuè pro illa decertas, jam datis Tuæ dexteritatis exemplis satis monstraveras, & qui ad defensionem illius requiratur zelus, quæ exigatur constantia ac strenuitas? jam pridem edocueras. Edocueras nempe ex Cathedra plurimos aurea explicatione Ethicus ac Theologus, bene gnarus: quòd qui docti fuerint, (k) fulgebunt sicut splendor firmamenti, & qui erudiunt multos ad justitiam, fulgebunt sicut stellæ in perpetuas æternitates. Satisne! satis certè ad commendationem magnis etiam Viris sed non Tibi, latiùs profectò patuit Tuus justitiæ amor, innumera pene subsellia in admirationem traxit, immo ipsi etiam innotuit Romæ, dum causas de Decimis Universitatem concernentibus mirabili activitate ac diligentia per tres prudentissimè promoveres annos, donec cordatissimus Vindex Victor extiteris donec Universitati proventum & integritatem justitiæ restitueris. Quas autem in tanto negotio pro integritate boni communis Academici sollicitudines & incommoda non sustuleris? sed observasti omnino illam sanctionem legis- bonum publicum (l) privatorum commodis antepositur- immo etiam legibus humanis non vocatis in memoriam nihil aliud procertò ageres, nisi quod æquius, san-

Causas de
 Decimis U
 niversitatis
 Perillustis
 Dominus
 trium anno-
 rum negotiò
 in variis sub
 sellis etiam
 Romæ pro-
 movit & reviv-
 it.

E2

etius,

(g) Menand. apud eund. (h) S. Anselm. lib. cur Deus. (i) S. Ambros. lib. de Offic. (k) Daniel. 12. v. 3. (l) S. Sancimus in auct. de Restit.

Etius, laudabilius & perfectius est, nam qui justus
 est, (m) mores proprios habet tanquam leges. At ve-
 rò justum sanè dicas, (n) qui sincerè & candidò ingenio est,
 protulit quidam: quis has in Te non cernit dotes
 mirabiliter resplendere, ac propterea quis Te ju-
 stum immo justissimum non dicet! qui certissimè
 illa æquitate polles, quæ sincerè promovet ad præ-
 mia dignos, laborantibus ac emeritis candidè fa-
 vet. Cæterum tamen ita faves uni, ut nihil alte-
 ri damnosum inferas, conformas Tuam rectæ legi-
 mentem dicenti: non tam uni favendum est, (o) ut
 alteri fiat injuria, & probas, quia procertò justis mo-
 res Viri (p) injuriam facere nesciunt, justitia enim (q)
 omnium est domina & regina virtutum, justitiæ inest
 (r) splendor virtutis maximus, ex qua boni Viri no-
 minantur. Lætare ergo ô magne æquitatis Cultor,
 lætare! fundamentum perpetuæ commendationis & fa-
 mæ (s) est justitia, Viri justis fructus (t) non perit,
 in memoria æterna erit justus, (u) ab auditione mala
 non timebit. Jam ergo innui Tuum justitiæ amo-
 rem, atq; zelum illius acerrimum in ipsa eviden-
 tia monstravi, unde omnino expedit, etiam Te
 fortem dicere & magnanimum, nam fortes & ma-
 gnanimi habendi sunt (w) non qui faciunt, sed qui pre-
 pulsant injuriam, quia fortitudo est Virtus (x) pro
 æquitate pugnans, & pro legibus. Non illam qui-
 dem induisti fortitudinem, quæ in hostes ruit, ar-
 mis terret, sanguine campos cruentat, sed quia
 Vir sapiens (y) fortis est, cum sapientia Tibi for-
 titudo advenit, melior quoq; est sapientia, (z) quam
 arma.

Admirabilis
 fortitudo
 Perillustis
 Domini
 NEO-DO-
 CTORIS.

(m) Menand. apud. Stob. (n) Philonid. apud eund. (o) l.
 impuberi de admitt. tut. (p) Menand. in Georg. (q) Cic. 3.
 Offic. (r) Idem 1. Offic. (s) Cic. 1. Offic. (t) Stob. c. 9. (u)
 Psal. 111. v. 7. (w) Cic. 1. Offic. (x) Idem ibid. (y) Prov. 24. v.
 5. (z) Eccle. 9. v. 18.

arma bellica, unde meliorem cum illa portionem fortitudinis acceperas, nam fortis est, (a) non qui hostes superat, sed qui superior voluptatibus existit, jam verò eruditus homo munditiâ gaudet (b) honestatis pulchritudine delectatur. Porro non mediocris animi fortitudo est, (c) quæ sola defendit virtutum ornamenta omnium & justitiam custodit, atq; hanc propriam Tibi quis non asserat? cui innatum est omnia honesta constanter agere, omnia molesta & ardua viriliter sustinere. Tuam verò circa insignes ac difficiles sumptus magnificentiam, Tuam circa honorem Literario Orbi ingentibus partum laboribus magnanimitatem, Tuam in DEO circa quodvis arduum consequendum bonum fiduciam integritati vitæ conjunctam, Tuam in omni virtute constantiam, Tuam in rebus aduersis patientiam nemo unquam condignis laudibus poterit celebrare. Delegavit Te nuper Universitas ad Generalia Regni Comitia GRODNAM, & ecce nec asperitas viarum, nec discrimina silvarum, nec inclementia Cæli, nec mors magni olim Georgii KOSTOWSKI in simili ab Vniuersitate delegati negotio oppetita GRODNÆ Tuum fortem animum terruerunt. Nimirum: qui circa res præclaras & splendidas versantur, (d) magnos capiunt & audaces animos, & quæ nam res Tua occupatio erant, nisi illæ pulcherrimæ scientia & virtus? unde erectum & præcelsum GRODNAM attulisti animum nulli timiditati subditum. Complacuiisti proinde numerosissimo illi Principum Regni & Magnatum cætui, & æquè gloriosissimè ac sapientissimè Vniuersitatis negotium promovisti. Est & aliud fortitudinis Tuæ indicium, cujus narrationem silentiò potius præterire deberem, nisi Tuæ æquanimiati crederem &

Ad Comitia
Regni Gro-
dnam Dele-
gatus imper-
territo animo
iter suscepit
& prudentis-
simè negotiū
Vniuersitatis
promouit.

F. cor-

(a) Democl. de fort. (b) S. Ambros. (c) idem l. Offic. (d)
Demosth. de Ordinat. Civit.

Ingentem
dolorem su-
per fatis tri-
um Fratrum
suorum for-
titudine ani-
mi facile su-
peravit.

Frugalis
Temperan-
tia Perillu-
stris Domini
humanitati
conjuncta.

cordis magnitudini. Habes, habes in memoria
gloriosissimos olim Fratres Tuos CZYRNICIOS
nempe JOANNEM Philosophiæ Doctorem, Opa-
tovicensem Curatum! BARTHOLOMÆUM Ca-
nonicum Regularem Lateranensem in Kurozwe-
ki Præpositum germanos, & THOMAM Philoso-
phiæ Doctorem, Præpositum S. ALBERTI ad Posna-
niam ac Synodalem Examinatorem Patrualem, Vi-
ros omni exceptione majores, omni eloquiō emi-
nentiores, omni gloriæ sublimitate altiores. Supe-
rârunt meritâ famam, virtutibûs vastitatem lau-
dum excelluerunt, sanctitatem non solum integer-
rimè coluerunt ipsi, verum etiâ quàm plurimos
ad illam erudierunt, fulserunt in oculis hominum
sicut stellæ, & per sanctos labores ac bona ope-
ra magnæ lucis exempla monstraverunt. Et ecce
mors dira ut Tuam in adversis probaret constan-
tiam, hæc tam pulchra lumina terris, hos con-
summata sapientiæ & probitatis Viros tenerrimo
amori Tuo surripuit, verum Te semper magnani-
mum, strenuum, fortem, constantem, nescium ad-
versitate vinci repererat; maluisti dilectis Fratri-
bus sanctam Tuam pietatem offerre, quàm dolo-
rem. Auream verò mediocritatem Tuam quisquis
laudibûs extollere vellet, totum impendat eloquen-
tiæ conatum. Virtus enim hæc tantum in Te emi-
net, ut quamvis in moderatione consistat, omnem
tamen verborum excedat amplitudinem. Sem-
per etenim consummatus in omni doctrina THEO-
LOGUS præ oculis habes, quia DEUS omnia (e)
in pondere, numero & mensura constituit, ac propterea
ut servitutem simulacrorum (f) avaritiam abhorres, &
sicut nimiam parcitatem odisti, sic prodigi ac disso-
luti hominis morem gerere caves, Tuæ institutum
vita

(e) Sap. 1. 10. 22. (f) Coloss. 3. v. 35.

Pietas Per-
illustris Do-
mini una
cum profu-
sa liberali-
tate illius.

Quatuor Ec-
clesias nota-
bilissimè re-
paravit & e-
xornavit.
Ecclesia in
Gieraltowice
& altera
in Gay.

Ecclesia in Po-
biedz.

Ecclesia in
Opatowice.

vita ipsa est bonis operibus maximè apta, ita est, temperantia pietatis Tuæ magnum decus est & subsidium, qui, ut mentem ad Divina extollas terrenas delicias aspernaris. Pietatem verò non omnibus piis communem Viris sed singulari titulo dignam exerceas, quamvis etenim commune Tibi cum Ascetis sit inextingvibilis amoris Divini flammam fovere, mentem ad DEUM continuò elevare, orationibus instare, sancto devotionis igne ardere, incruenta Altaris sacrificia æterno Patri quotidie offerre, DEUM pro populo placare, pro animarum salute sollicitari, tamen præter hæc pietatis exercitia habes aliquid singulare. Nimirum sanctæ pietati Tuæ largam liberalitatem junxisti, non illam solum, quæ hominum indigentis succurrit, verum etiam illam excellentissimam, quæ intimè Divino honori sociatur. Tantos enim in reparationem & ornamenta Templorum profudisti sumptus, tantas impendisti curas, quantas vix crederet aut intelligeret orbis, nisi Tuam videat pietatem. Quatuor enim Sanctuaria DEI incredibili exornasti cultu, & quandam mirabilem vetustati eorum novitatem donasti, sic in magna Gieraltowice apparamenta Altaris resarsisti alia, alia procurasti, Ecclesiam in Gay insigni reparatione condècorasti campanamq; illi majorem comparasti. Quid verò dicam de Ecclesia in Pobiedz? ea illam à fundamentis ferme restaurasti, sacristiam illi de novo affundasti, apparamenta, calices, monstratorium, organum, ac tres majores campanas providisti, insuper Plebanalem domum cum prædio erexisti, habitacula non modico sumptu pro Vicario, Organario & Campanatore extruxisti, decimas & fundos ad eam pertinentes jure vindicasti. In Opatowice Ecclesia nonne Tuas miratur impensas? hæc etiam

etiam perquam ornatè reparâsti, domos pro his omnibus, pro quibus etiam in *Pobiedr* fundâsti & alia permulta ædificia commoditati Parochi multos servitura per annos erexisti. O pietatem & liberalitatem Regiam ac Regia imitatione dignam! satis habent cæteri sacrorum Ministri, satis laudum, gloriæ & commendationis habent, quòd in Domino DEI diligenter laborent, Tibi parum erat, quòd in Ecclesia exemplariter & strenuè laboraveris, quòd Conciones facerrimis plenas dogmatibus & ivavissima oris Tui gravitate ornatas centum tredecem per varias in ipsa Cracia Urbe & Suburbis ejus Exedras cum summo populi fructu dixeris, nisi etiam pro Ecclesia algeres & sudares.

Taceo plura de virtutibus Tuis, qui nec minima dixi, ad eruditos labores Tuos humilem convertito calamus, at unde exordiar? à minoribus Oratores inchoare solent, sed nihil est in Tuis laboribus minus, omnia magna, omnia laudabilia & augusta. Quid enim? nonne summa vigilantia & sedulitatis Tuæ magnitudo patuit? dum decem per annos in Schola Sacratissimi Corporis Christi munus Vigilantissimi Senioris gerebas, ac pro interim speculativis ingenium Tuum mirabiliter excolebas scientiis, donec ad supremam perfectionem sapientiæ pervenires. Cum verò scires Te publicæ utilitati & gloriæ DEI atque Divorum Cælituum cultui natum, in publica etiam luce Tuos non dubitâsti exercere labores, dum dolores patientis Domini, Divi Stanislai Casimirani dotes, Beati Simonis de Lipnica virtutes publicis concelebrâsti encomiis, omnes illa quæ dixisti, & simul quàm laudabiliter dixisti, mirabantur. Per arduam scilicet viam, per tritam magnis laboribus Tuis meritorum semitam ad honores ivisti, quò au-

Indefessi labores Perilustris Domini.

Decem annorum in Schola SS. Corporis Christi Senior.

Tres publicas Orationes habuit.

G

tem

Ex Collegio
minori Cur-
sum Philoso-
phicum di-
ctavit, ex
eoq; bis di-
sputavit, De-
canus ele-
ctus ad pri-
mam Laure-
am promo-
vit.

Ex Collegio
Majori idem
Cursum Philo-
sophicum di-
ctavit ex eo
que disputa-
vit & Deca-
ni munus
obivit.

tem altiore obtinuisti præcellentiam, eò grandi-
ores labores attentabas. Respondisti Vocationi
ad Collegium minus; jam Te aliquam reperisse
quietem existimarem, jam Te minus magnis labo-
ribus indulgere crederem, at non ita est, nec mi-
nima potest pati otia Tuus maximus laborandi ar-
dor, arripuisti proinde novum laborem in dictan-
do Cursu Philosophico ex quo binas Disputatio-
nes publicas absolvisti. Jam verò quàm arduum
sit doctos regere Viros, eruditis imperare capiti-
bus, duobus quavis habdomada Philosophicis præ-
sidere circulis, ille optimè qui probavit, novit,
aut qui bene perspexit ac intellexit. Honos hic
maximum onus est, quem tamen susceptum præ-
claris exornasti dotibus, & in illius constitutus fa-
stigio probatos post examen rigidum Viros ad pri-
mam in Philosophia Lauream promovisti. Quin-
etiam promoverunt Te hæc merita & labores Tui
ad Collegium Majus, sed simul ad subeundos ultra
labores promoverunt. Iterum hic Philosophicum
expedivisti Cursum, quem pariter Disputatione
laudatissima decorasti, atq; rursus munus Decani
gloriosissimè obivisti. Quidquid autem obscuritatis
Logicalis parturiit umbra, quam intellectus huma-
nus solo objectu & fictione gignit, claritate expli-
cationis Tuæ elucidasti optimè, quidquid natura
ex effectibus suis in secreta occultatione abscondit,
eruiisti solertissimè, quidquid transcendentium
ratio & status entium supra omnia genera rerum
& supra ipsum Creatorem evexit, attigisti sublimi-
tate ingenii facillimè, & quasi digitò Auditoribus
Tuis demonstrasti. At verò dum hæc de in-
tellectus humani artificio ac de naturæ arcanis in-
nuo, certam felicis auspiciò accepi notitiam, quòd
jam tunc SACERDOS Magnus Divinis addictus A-
ris

ris sancto pietatis ardore mirum in modum flagra-
 veris, & quia non Tibi soli voluisti vivere, pro-
 pterea in sacris Divæ Annæ Aedibus pro SALVA-
 TORIS nostri & Virgineæ Matris illius Mariæ
 Festis per triennium sacrum egisti Oratorem. Do-
 cebas verbis, propriis movebas exemplis, delecta-
 bas suavitate oris, vehementiâ spiritus deterrebas
 à malo, gravitate sermonis ad bonum inclinabas.
 Hac igitur Tua celeberrima Sapientiæ & virtutis
 dona Theologicæ Te commendaverunt & adscri-
 pserunt Facultati, Theologicis addixerunt labori-
 bus, optimè verò in hac sacra Facultate capisti, quia
 doctrinam Divi Pauli Apostoli *Scutum inexpugnabi-*
le militantis Ecclesiæ solemni oratione protulisti, vigi-
 li perspicacia explanasti, & plausibili disputatione
 defendisti. Bonum etenim strenuus Christi miles
 invenisti scutum, quia doctrinam Apostoli, quam
 pridem Concionibus & moribus Tuis commendas-
 ti Orbi, cum Apostolicis omnino vestigiis ex vir-
 tute in virtutem ex labore procedas in laborem.
 Quis enarrabit eruditos ac solidos in explicandis
 speculativæ Theologiæ arcanis conatus Tuos ma-
 ximis conjunctos Virtutibus? tractasti de DEO
 Uno semper illius propagando honorem, tractas-
 ti de Visione DEI omnia videntis semper in ejus
 oculis integerrimam honestatem servando, tractasti
 de scientia DEI omnia scientis, semper illi candi-
 dam offerendo conscientiam, tractasti de volun-
 tate DEI, semper illi intimè conformando pro-
 priam, tractasti de Sanctissima Trinitate, semper
 illi profundam adorationem reddendo, tractasti de
 Sanctis Angelis semper illos devoto honorando
 cultu, ut verò clariùs Theologica eniteret specu-
 latio, septem ex dictis Tractatibus Disputationes
 publicas absolvisti. Porro anni Tui ipsi labor sunt,

In Ecclesia
 Divæ Annæ
 pro Festis
 Salvatoris &
 B.V.M. tri-
 ennio conti-
 nuabatur.

Ad Faculta-
 tatem Theo-
 logicam vo-
 catus habuit
 Orationem
 de doctrina
 D. Pauli, ex
 qua explica-
 ta disputa-
 vit.

Cursum The-
 ologiæ spe-
 culativæ per
 Tractatus
 extradidit.

**Cursum Mo-
ralem tribus
annis docuit
& ex eo qua-
ter disputa-
vit.**

**Ex Cursu Sa-
cramentali
quem bien-
niō dictavit
tres Disputa-
tiones absol-
vit.**

**Ex Tractatu
de ultimo fi-
ne unam, &
ex Tractatu
de Legibus
alteram Di-
sputationem
habuit.**

omnis hora, omnis dies, omne momentum testi-
monium præbet operosæ virtuti Tuæ, otium ve-
lut pestem fugis eruditâs & continuâs laboribûs de-
lectaris. Equidem post tot ac tanta molimina in-
fractô animô triennalem Moralis Theologiæ susce-
pisti Cursum, quòd verò Theologiam hanc *Cyno-
suram ad portum æternæ felicitatis viatoribus prælu-
centem* in publica oratione prædixeris, non erat o-
pus, ut probares rationibûs, quia ipsis probâsti &
probas operibûs, longa sanè illius propositionis
confirmatio, quam per omnes vitæ Tuæ annos &
auribus & oculis demonstras. Non enim alienis
exemplis in explicandis laudabilium regulis mo-
rum egebas, cùm Tu ipse omnium virtutum verum
fores exemplū, unum Tibi nimis arduum erat, quòd
enormitatem criminum explanare deberes, quæ etiā
nominare abhorres. Quanta autē in penetrando fa-
cilitate, in probando soliditate, in resolvendo felici-
tate, in explicando claritate polleas, patuit quoq; in
erudito certamine quatuor ex cursu Morali absoluto
vicibus, ubi semper gloriosus victor evasisti. Quid
verò? num vincere rarum Tibi est? etiam ex tri-
no Sacramentalis Cursûs docto conflictu laudabiliter
reportâsti victoriam *efficacissima contra spirituales
morbos Remedia per Te deducta Sacramenta*, quæ du-
obûs cum plurimo Auditorum profectu explicâsti
annis, Spiritum tuum semper sanum, robustum,
invictum, magnanimum probaverunt. Non pa-
rum quoq; Tuæ victrici addiderunt laudi illæ duæ
Disputationes plausibiles, altera ex Tractatu de Le-
gibus, ut enim ex dictamine legum & rectitudine
conscientiæ singulas ad finem ultimum nempe DE-
UM actiones ordinas, ita semper illius suppetias
præstò habes, ac propterea facilè victrices obri-
nes

nes cum gloria palmas. Quid verò? de peccatis etiam explanasti Tractatum? qui nihil magis odio quàm peccata habes, nam quasi à facie colubri fugis peccatum, at nihil pulcherrimo soli, (o) *quamvis in lutum suos transmutat radios, obest*, explicasti peccatorum malitiam, & hinc vehementius contra illa odium concepisti. Integer vitæ, criminum purus, verus Angelici imitator Doctoris, Angelicis penè dotatus qualitatibus Quæstionem de Angelis pro Licentia ad Doctoralem in Theologia honorem extradidisti, unde meritò colligere licet, quia Tibi nihil magis placet, quàm illa nescia labis, fragilitatis expers, beatorum pulchritudo Spirituum. In terris quidem vitam mortalem degis immortalibus conspicuus donis, Tua verò conversatio in Cælis, Tua quoq; sublimitas mentis Angelis Te sapientiæ donò consimilem ostendit. Ecce quid non valeat diligentia? *diligentia mediocre etiam ingenium & commendat & magnum reddit, (p) diligentia studia vigent, diligentia parvam eruditionem amplissimam facit*, at verò cum in Te tam nobile, tam præcelsum tam magnum repererit ingenium, quantū fecerit, verba exprimere non valent, sola hoc Tua exprimit sapientia. Equidem diligentia & sedulitati Tuæ testimonium reddit illa Tui animi generositas, quæ Te ad Principum Aulas multo requisitum conatu ab ambitu Aulici honoris alienum fecit, Universitati & in ea doctis laboribus intimè addixit, persuasit Tibi, quia locus hic (q) *officina est ingenuis artibus & honestissimis moribus Juventutis formandæ*, vetuit per varias terræ quærere præconia partes, & bene: consummatæ enim virtutes (r) *etiam in beatis latibulis suis, etiam in recessu à turba crystallò purius nitent, sole ful-*

H

gentius

(o) Euripp. in Belleroph. (p) Jacobus Gorscius in Paranesi ad Professores Academiæ Crac. sub anno 1581. die 11. Martii. (q) Idem ibidem (r) Biezanovius in Panegyri Manus tornatiles aureæ.

Explicavit
Tractatum
de peccatis.

Pro Licentia
ad Doctoratum
extradidit
Quæstionem
de Angelis.

Ad educandos in Literis nobilissimos Juvenes in Aula Celsissimi Principis Theodori Lubomirski Palatini Crac. requisitus abstrahi ab Academia noluit.

gentius coruscant, & Argos ubiq; centoculos habent, cum nihil magis recusent quam videri. Ita profectò: meritum etiam ante laudem (s) honor est, nec est opus bonis, honestis ac eruditis Viris publicas obambulare domos, ut honorem reperiant, verus honor (t) virtus animi est, hæc est vera rectefactorum proprietas, ut eò celebrius laudentur, quò magis hominum evitant oculos, quia Virtutis (u) in laude præmium est, & magnus honor (w) debetur magno operi virtutis, cum ipse sit (x) soli virtuti debita merces. Idcirco potius inter labores vivere virtutum Magistros, quàm foris honores quærere maluisti, non inscius quia bonorum laborum (y) gloriosus est Fructus, diligentia atq; continuæ sedulitatis ope ad hanc sapientiæ pervenisti magnitudinem: & beatus homo (z) qui invenit sapientiam, etenim homo sensatus (a) honorabitur, sapiens in populo hæreditabit honorem, (b) & nomen illius erit in æternum. Hoc autem maximum est sapientiæ Tuæ encomium, quòd eam non in verbis solùm magno Doctore consensanteis, sed simul in actione constituas, sic enim agis, sic Te geris, sic doces, sic Tuam disponis vitam, ut in Te Academico DOCTORE, in Te præstantissimo THEOLOGO omnis doctrina & omnis sapientia, quæ ad perfectissimam honestatem pertinet, oculis videatur.

Licentiam
in ordine ad
obtinendum
Doctoratum
recepit Per-
illustris Do-
minus à Ma-
gnifico Re-
ctore Perillu-
stri Domino
STEPLO-
WSKI Pro-
cancellario.

Perspexit has scientificas animi Tui qualitates maturò scrutiniò suo *Magnificus Perillustris & Admodum Reverendus D. M. CASIMIRUS STEPLOWSKI*, Sacrae Theologiæ DOCTOR & PROFESSOR, ejusdemq; Facultatis PROCANCELLARIUS, Eccl: Collegiatae S. FLORIANI DECANUS &c.&c. quæ
utilem

(s) Neremberg. (t) S. Chrysost. (u) S. Synesius. (w) S. Thomas Doct. Angel. (x) Marcell. Paling. (y) Sap. 3. v. 15. (z) Prov. 2. v. 13. (a) Eccli. 21. v. 31. (b) Eccli. 31. v. 29.

utilem DEUS Rectorem (c) in illo suscitavit tempore, quò pro candore antiquo, pro bono publico Literarum, pro legum observantia, pro sancta Juvenum disciplina maximè decertandum. Quid plus de eo dicam? Vir est optimus & inter præcipua sæculi ornamenta numerandus (d) colit studia; studiosos amat, fovet, provehit, multorumq; qui aliqua componunt, portus, sinus, præmium, omnium exemplum, ipsarum deniq; literarum jam senescentium Reductor ac Reformator. Tam magni, tam incomparabilis Auctoritate PATRIS illam petendi Doctoratus Theologici obtinere meruisti Licentiam, quam olim exoticæ etiam Gentis SBI-
GNEUS de Illustrissima BERKARUM Familia (e) ARCHI-EPISCOPUS Pragensis, LEGATUS NATUS, Ordinis Crucigerorum cum rubea Stella MAGISTER GENERALIS, in hac Alma Universitate quærere & impetrare non dubitavit. Addit Tibi pariter calcar sponte currenti ad hunc supremum Theologici honoris gradum Perillustris & Reverendissimus Dñus M. ADALBERTUS GRZYMAŁA, Sacræ Theologiæ DOCTOR & PROFESSOR, Ejusdemque Facultatis DECANUS, Collegii Majoris ac Universitatis SENIOR PATER, Eccl. Cathedralis Crac. CANONICUS &c. &c. Vir gravis, prudens, (f) multis experimentis eruditus, Nobilitate generis, doctrinæ multiplici varietate, sapientissima sacrarum literarum notitiâ, virtutum præstantiâ clarissimus, dum Te primarius Orbis Academici Sustentator primum ordine, hoc in actu solenni renuntiat DOCTOREM; hinc feliciori successione, Tibiq; majoris accessione dignitatis, quòd antiquiori Universitatis hujus sæculò NICOLAUS SOLECZYNSKI

H₂

(g) Epi-

(c) Eccl. 10. (d) Plin. *lun.* lib. 8. Epist. 10. (e) Georg. Bartholdus Pontanus à Braitenberg, Sacræ Metropolitanæ Ecclesiæ Pragensis Præpositus &c. in Orationibus fœnebris Moguntia typis impressis de anno 1608. (f) Plin. *lun.* l. 1. Epist. 5.

Archi-Epi-
scopus Pra-
gæ in Uni-
versitate
Crac. Sacræ
Theologiæ
Licentiatu
factus est.

Perillustris
Dominus à
Reverendis-
simo GRZY-
MAŁA Do-
ctoratus in-
signia capes-
sit.

Perillustris
KRZĄNO-
WSKI in
Theologica
Facultate se-
cundus or-
dine DO-
CTOR

Perillustris
Biegacze-
wicz CON-
NEO-DO-
CTOR.

(g) *Episcopus Vilnensis* ab ANDREA GRZYMA-
ŁA suæ Facultatis DECANO Lauream Doctoralem
prensasset. Neq; Tibi gratulari non potes; quod
Perillustrem Clarissimum. & Admodum Reverendum Do-
minum M. ANTONIUM KRZĄNOWSKI, Sacræ
Theologiæ DOCTOREM & PROFESSOREM, Ec-
clesiæ Collegiæ S. Floriani Præpositum, Facultatis
Juridicæ PROCANCELLARIUM &c. &c. illum ad
sacrum consortium nanciscaris PATREM & CON-
FRATREM, cujus morum gravitas, vitæ probi-
tas, constantia, pietas, candor, eruditio, ac deni-
que in utraq; svada rara commendatio tam acce-
pta & nimium dilecta est, ut caput ejus durum opti-
mum (h) ad Insulas natum esse diceretur. Præterea
si pares in gradu (i) pariter admittuntur, non mi-
norem gloriæ existimationem Tibi comparat Per-
illustris Clarissimus & Admodum Reverendus Dñs M.
ADALBERTUS BIEGACZEWICZ Sacræ Theo-
logiæ Consocius NEO-DOCTOR, Eccl. Collegiæ S.
ANNÆ Decanus &c. &c. cum quo Theologiæ in-
corporaris Facultati. Mutuus vobis illeq; magnus
ab ineunte ætate animus fuit, ut immensas curas
contemneretis, aspera molestiarum tædia non sen-
tiretis, rigidos labores patientiâ, vigilias consue-
tudine, lucubrationes assiduitate emolliretis. Hinc
duriores operas pertinaci labore, præclaras in stu-
diis contentiones solerti prudentia, obvias Professio-
nes non solum diligentia & perseverantia, sed
etiam integerrimâ boni nominis famâ, mirabiliq;
omnium scientiarum cognitione firmastis, illustrâ-
stis. Sed quid mirum? non primùm hic DOCTO-
RALIS HONOR hac ardua virtutis ac eruditio-
nis

(g) *Andreas de Labaszyn Decret. Doctor de instit. Acad. Crac.*

(h) *Sensus Serenissimarum Majestatum Regni Poloniæ de Peril-
lustri Præposito, dum impræsentiarum in Eccl. Cathedr. Crac. verba
faceret. (i) l. si reliquero. in legi. tuto.*

nis viâ petitur, non prima Tibi præfigit vestigia;
exemplis (k) *res fit manifestior*: sicuti moderna æ-
tate, prioribûs ac superioribûs sæculis *Joannes*
Cantius, *Stanislaus Casimirianus*, (l) *Anapachianus*
Sanctæ illæ laureolæ Cælestibus coronatæ animæ.
Jastrzębiecius, *Lascius*, *Dembinskius*, *Baranovius* **PRI-**
MATES ac **VICEREGES.** *Strzepinius*, *Oporovius*,
Joannes de Targowisko, *primariarum Ecclesiarum*
EPISCOPI. *Joannes à Cracovia*, *Jacobus Itzensis*,
Vasco, *Falecius*, *Piravius* **SUFFERAGANEI.** *Michaël*
Florentius, *Andreas de Lubieniec*, *Petrus de Paradiso*,
Małachovius, *Rogovius*, *Makowieccius* **ABBATES.**
Tres Joannes Leopolitæ, *Novicampianus*, *Opatovius*,
Vadovita, *Vitellius*, *Papencovii*, *Hercius*, *Cynerscius*, *Bro-*
scius, *Radzcus*, *Dąbrovius*, *Kucharcius*, *Baltazarovici-*
us, *Makovius*, *Sowinskius*, *Woiewodzcus*, *Winkler*, *Pso-*
ieccius, *Przewoscus*, *Praczelevicius*, *Oslinskius*, *Profec-*
cius, *Plaszczewius* ac alii plusquam numerandi; quo-
rum catalogus longior recensendus esset, *Cathe-*
dralium tum Insigniorum Ecclesiarum **PRÆLA-**
TI & CANONICI de hac sacra præfata *Laurea*
centuplum *Patriæ & Ecclesiæ fructum attulerunt.*
Hos ac plurimos alios sanctitate, omnigena eru-
ditione tum pietate præditos intima recollec-
tione, necnon frequenti relectione memorans eti-
am juratos in verba & opera tantorum **MAGI-**
STRORUM Discipulos, qui Tibi convixere doctoq;
conjunctiores fuere **DOCTORES**, in rigidè ob-
servanda vitæ perfectioris regula attigisti. De-
promptisti maturitatem judicii à **MATERSCIO**;
auream mediocritatem à **DASZCZYNIO**; morum
gravitatem & prudentiam à **MARKIEVICIO**; li-
beralioris beneficentiæ sortem à **ZIĘTKIEVI-**
CIO;

Commemô-
ratio Lau-
reæ Theo-
logicæ Can-
didatorum
simulq; The-
ologiae Do-
ctorum.

Conversatio
Perillustis
NEO-DO-
CTORIS
cum Primo-
ribus The-
ologis, dum
adhuc in vi-
vis agerent.

(k) *L. prætor S. Julianus de collatio. bon.* (l) *Andreas*
de Labaszyn, tum Simon Starovolscius.

CIO; auctoritatem & magnanimitatem à KURO-
VIO; pietatis medullam à KALEVIO; amantia-
tem mentis à KOLEDOVICIO; morum anti-
quorum normam à SZYMAKOVIO; fortitudinem
& constantiam animi à PHILIPPOVICIO; subtili-
tatem & iudicium in causis decidendis à PAŁA-
SZOVIO; æquanimitem conscientia à GOSZ-
KOVIO; intemeratam vitam à POPIOŁKO; can-
dorem verò ab omnibus, quibuscum versabaris,
delibasti.

Equidem cum æqualibus labore contendis
sine exacerbatione, modesta gravitate amo-
rem concilias sine supercilio, perspicaci in-
dustria præluces sine fastu, multa animò comple-
cteris, multa ingenio revolvis ac penetras sine
arrogantia ac aliorum contemptu; sic sanctitatem
in vita, auctoritatem in moribus, pietatem in cor-
de retines, animum à falsis opinionibus, linguam
à contumeliis, oculos & aures ab improbitate de-
torques, omnes integerrimi & gravissimi Viri nu-
meros absolvis. Enitet in Te pietas sine simula-
tione, prudentia sine calliditate, morum gravitas
sine temeritate, acumen ingenii sine elatione, glo-
ria solidæ eruditionis sine vanitate. Hæc est Tua
sapientia summis sociata virtutibus; ergo *sustine*
(m) bonos FRUCTUS illius, homo sensatus in sapi-
entia manet (n) sicut sol æternis laudibus cele-
brandus. Habes igitur, habes honestatem in
virtutibus, in eruditis laboribus honorem, at ve-
rò ut etiam immortalitatem habeas, laudes Tibi
omnino debentur, quoniam *honestas præconia sunt*
virtutis anima, (o) *honestatis nervus*, fortitudinis vi-
ta; & licet merita, dotes, sapientiam & virtutes
Tuas nemo satis narrare aut scribere queat, hoc
nihil

(m) Eccli. 6. v. 17. (n) Eccli. 27. v. 12. (o) S. Damasc.

nihil Tuæ dignitati obest, siquidem est hoc genus maximum laudis, (p) cum Orationis copiam Virtus exsuperat & magnitudo laudati. At superasti meritis ac virtutibus Tuis omnem verborum numerum; superes ergo & annis ac solatiis. Victorum gestamen Laurus quæ Te DOCTOREM THEOLOGUM insignit, sit altiorum Tibi in Regno Literario & in Ecclesia DEI dignitatum omen, FRUCTUM HONORIS & HONESTATIS immortalē habeas Tui Nominis famam, --nec, quando

Mundus corruet, ipsa cadat.

CELEVSMA VNITI CORDIS

seu

PLAUSUS VOTIVUS
ALUMNORUM Contubernii Starnigeliani, *Programma-*
te; ex eoq; puris Anagrammatīs tum Epigrammatīs

DIDUCTUS,

Perillustri Domino PROVISORI suo

PERSOLUTUS.

Programma.

MICHAEL NEO-DOCTOR vivat.

Anagramma I.

CHORI DOCTI LEVAMEN OVAT.

Dum Tibi persolvit dignos Academia plausus,

Quis non contendat reddere vota Tibi?

Ornat sacra Tuam condignè Laurea frontem,

Hinc cor sincerum, dum Tibi plaudit, ovat.

Vive dies multos ô nostrum dulce levamen!

O PATER ô docti gloria magna chori!

Alexander Borlikowski

Min. Ord. Clericus, Auditor Dialectices.

I 2

Ana-

(p) S. Chrysoſt.

Anagramma II.

VIAM COLUIT, HONOR DECEAT.

Laurea Te PATREM decorat, quis talia quærat?

Si Tua si deceat tempora tantus honor.

Omnis enim dicet, si de Te quæstio fiat?

Justitiæ, coluit justus & ipse viam.

Vive diu sospes multo decoratus honore,

Hæc sincera Tui vota clientis habes.

Ignatius Bykowski Burgrabides

Lancic. Auditor Dialectices.

Anagramma III.

HOC ORDINE ALTA VOCE ITUM.

Alta voce Tuos enarrat fama decores,

Hoc etenim, quo nunc ordine plaudit, *itum.*

Semper enim justus, semper venerabilis ibas,

Cingebatque Tuum gloria summa latus.

Fama proinde Tuis famuletur laudibus, & Quem

Ornavit virtus, ornet & altus honor.

Stanislaus de Ostrow Rychtowski Castellanides

Siradiensis, Auditor Rhetorices.

Anagramma IV.

VIM E LOCO DOCTRINA VEHAT.

Vim doctrina vehat, vim tanti Nominis altam,

Ut niteat toto Nomen in Orbe Tuum.

Laurea sacra Tuum dignè caput ambit & ornat,

E decoro pateat *Laurea sacra loco.*

Laurea Te cunctis DOCTOREM muneret annis,

Et quibus excellis, dogmata fama vehat.

Aloysius Rychtowski Castellanides Siradiensis,

Auditor. Rhetorices.

Anagramma V.

CHIRON DICTO AEMULO AVET.

Laudibus ampla suis exornat sæcula Chiron,

Qui magni quondam Doctor Achillis erat.

Sed

Sed velut excedit Sol cunctas lumine stellas,
Aemulô eum dictô sic superare vales.
Scilicet illa Tuam replet sapientia mentem,
Quam dum perpendit lauriger Orbis, *avet.*
Michaël Lipski Subdapiferides
Potocensis, Auditor Rhetorices.

Anagramma VI.

LAUDEM HONORI ACCIO TUTE.
Mente Tuo prona *tutè* PROVIDOR *honor*
Accio nunc laudem quæ Tua gesta decet.
Et licet hîc paucis valeam Tibi plaudere verbis,
Multa tamen magnæ munera laudis habes.
Nam pridem virtus, pridem Tua facta probârunt,
Maxima quod semper laus eris ipsa Tibi.
Josephus Rychtowski Castellanides Siradiensis
Pœseos Studiosus.

Anagramma VII.

CANO HUICMET VIRO DE ALTO
Gaudia mille meæ præstat Tua Laurea menti,
Dum Tibi PROVIDOR debita vota *cano.*
Ergo Tui narrabo libens de Nominis alto,
De quo perpetuo fama nitore canet.
Dum mihi contigerit quid de Te dicere, dicam;
Ipse Viro magnus plaudat huicmet honos.
Daniel Błeszynski Burgrabides Siradiensis,
Studiosus Pœseos.

Anagramma VIII.

HOMO LAUDE RECTA VINCITO.
Quantus homo niteas, quem præmia recta decorant,
Præmia quanta nitentur Tu quoq; tantus homo.
Quin meritis superas lauros, Te præmia digna
Inter honorificas non habet Orbis opes.

Omnia sic superes & recta vincito laude,
Si quid! quod vincas, amplius Orbis habet.
*Iosephus Katerla Vexilliferides Bractaviensis,
Pœseos Studiosus.*

Anagramma IX.

HOC ITER AC OMEN TUI LAUDO.

Pars melior, pars ipsa Tui pars nescia mortis,
Quod patet ad Superum lumina, scandit iter.
Dat Tibi lumen honor, dat magnum lumen & omen,
Omne ter faustus, lumine clarus eris.
Omen habet virtutis iter doctiq; laboris,
Hoc iter ac omen laudo PATRONE Tuum.

*Michaël Katerla Vexilliferides Bractaviensis
Studiosus Pœseos.*

Anagramma X.

HIC NE LAUDE MAIOR UT OCTO?

Quis roget? hicne Pater meritis perfectus ut octo?
Cum videat dotes sic renitere Tuas.
Laude manes omni tum famam major ut octo
Splendida præcellis lumina laudis opes.
Exsuperes annos & vivas faustus ut octo,
Gloria Te decoret, Te colat omnis honos.
*Cantius Błeszyński Thesaurarides
Ducatum Zathoriensis & Osiecimensis,
Studiosus Grammatices.*

*Confitebor & ipsum me & CONTUBER-
NALES ab editione non abhorreere, si
modò Tu fortasse errori Nostro album
calculum adjeceris.*

Plinius Junior lib. 1. Epist. 2.



